

بنسهر الأوتار  
يطلع علينا نهار  
وإحنا مع المشوار  
عدينا بحور وجبال  
يا فرح يا هجّار  
إمتى تجينا الدار  
ونسهر الأوتار

يا ليل يابو المجاريح  
ماشي في قلب الريح  
بازرع أنا التفاريح  
أسمر أنا  
وأخضر أنا  
شارب مياه نيلي  
ما قلت أه ويلي  
يا فرح يا هجّار  
إمتى تجينا الدار  
ونسهر الأوتار

راكب حصان من ضي  
والحلم راح مش جاي  
لكن يا فرحي الجاي  
يوم المني  
أصفي أنا  
واحضن سنين عمري  
يطوي الحنين صبري  
يا فرح يا هجّار  
إمتى تجينا الدار  
ونسهر الأوتار

باكيه عيون مؤالي  
ما قلت أه كان مالي  
أستاهل اللي جرالي  
وأسهر أنا  
وأدبل أنا  
تدبل ورود ع الخدّ  
ولا حدّ سامع حدّ  
يا فرح يا هجّار  
إمتى تجينا الدار  
ونسهر الأوتار

كلمات مجدي نجيب  
غناء محمد منير